Оанҍхэсь кыррьй

Кыррый вэзхалл Рушш-ёммьне самь кил туй я пыянт, коххт пэря вуаннче пайнэ кил. Тарьм Куэлнэгк нёарк соаме пугк нёллый кил лёв вэсьт кадтмэдтэ я килоанный выйтные самь килэсьт рушш килле. Килт, таррый я нюхьт-явьр кил высьты вял онньюввые. Ахькы (Акьявьр) килл, вуайй цёлдьке, кады, ноа лёв вял оллмы, кёсьт кудтыень тын кил рёяс тёд. Таввялсамь килл, ку пуды Рушш-ёммьнье 1990 ыгень, коаппч ёна я ёна сон оанныет, коххт Скандинавиясьт, ныдть ы Куылныгк нёаркысьт. Конн гоаррень ель выльшыхыт тынн эл, ноа килт соаме кил пайнымушш пай ывтыс манн.

Таррьм, кусстай, альт 8ОО оллмэнь Рушш-ёммьнесьт лев тёд самь кил баяс. Синэнь, вуайй пыйнэ, 2ОО оллмэдтэ вуайй коаххче «потенциальнэ кил оанньегуэйм». Синэнь лёв кил шиг рёяс тёд: сыйй оантшэв пугк лубэ ённэ, ённэ сыйе маххьтэв саррнэ самь килле, ноа югке рэзэ гуэйке сыйй ев сарн кайнханна, ваймленне лубэ вофьсе ев сарн. Рушш-ёммьнесьт тарьм вана 1ОО ваймлэсь самь кил оанньедтэ ёллев. Самас ваймлесь саррнъедтэ, вуайй цёлдьке, лев оллмэ, кугк пуэраст я валлтъенне саррнэв йжесь килле коххт авьтма килле, ныдть э нымып килле, я кугк оаннэв самь кил югке пёйв я югке саесьт.

Самь килл тоаййв онньювв вэзхэллэм (символическэ) килэнь, валльтэ, вузьхемь гуэйке, маньтэ олма ли — самь вай мудта. Ныдтьшэ вэзхэллэм кил онньювв эххтса самь ялэсьт, лубэ, го «шоу килл» вэзхалл йжесь оллмэ культура. Вэзхэллэм кил оаннэв ев лышшэ оллмэ, ванас тидтэй кил, ноа э оллмэ, пуэраст тидтэй кил. Енамп вэзхэллэм кил оаннэв оллмэ, кугк вайимельт кускнэв эххтса самь ялла. Янаш самь кил оаннэй ев кусстэ. Чута кусстьев самь килл вайимлесь, кугк ваймельт кускнэв эххтса самь килл вайимлесь, кугк ваймельт кускнэв эххтса самь ялла, оллмэ кесьт ли элл сайи ялэсьт я ял выгкэй, го политик я шурьмуз (лидеры). Ноа янаш самь кил ваймлесь оаннэй ев кусстэ. Тэнн "эйй кусстьей" оллмэ туххка ныдтьшэ мэньнэв янаш потенциальнэ кил оаннэй, нурр пуллдэг, оллмэ эйй соамень выйитма я оллмэ вулльгесь ял сэень, валльтэ, кэбп войвишна оллмэ, вуайипей роавас чоазень я мудта рэзэгуэйм вуайипей оллмэ.

Го кил пайнэмушш логэнч васьт яллхэ килт кил, гу югкепяййвса кил, ку валлтъенне оннъюваххи югке сэень, танна килт кил ваймлесь я потенциальнэ оаннэй эйй кусстъей туххк лыххк шурр потенциал. Эвтэс, кунт гуэйке васьт кил пайнэ, бэдьсуввэв оххпэй, тйдтэй одт я таррмья кйл оххпэм туеть, одт оххпэм кырьеть я кил оххпэм оаньхесь кэскэть лыгксаххьтэмь гуэйке эвтэс оххпмуж. Лашшень кил оххпэм оаньхэсь кэскэть бэдт лыххкэ ёна вуаннчмужэть кйл ваймля оаннэмь гуэйке самас саррнэм паль югкепийве вуанчнэмь варэсьт самас саррнэм вырькэть. Аннъювв э самь оллмэе эхтнэг сыськасыт кэскэсыт югке пуллдэгэ ёна эххтса кйл тўеть выгкэ я ныдтышэ выгкэ эххтса туеть кэскэсьт самь килл ваймлегуэйм, пайхьк ял выгкэй чурьвэгуэйм. Ныдтьшэ шурр туйй ли анньтэ Куэлнэгкнёарк соаме килэть ённгэдтэ аля ялл сай, валльтэ, лыххкэ вёххькень мугка тўеть, кугк аннэв кйлт соаме кйлэть оаннмуж. Кйл сай пайнэмь гуэйкэ вял э мугка вуэйймушш лйннчле вуаяхч, валльтэ, Скандинавскэ самь оллмэ валтчень шуря пядцэльвуд я тыввьвудт Куэлнэгкнёарк соаме килэ альн. Тэйт туеть вуаяхч иллькые пэйель эххтса оаньхэсь килт кил оххиэм кэскэ Скандинавскэ соаме я Куэлнэгкнёарк соаме гуэйке. Вял кусстай мугка лыххк, валльтэ, Куэлнэгкнёарк соаме килэть эххтэ Скандинавскэ шиг программать пайнэмь гуэйке самь килэть.

Самь килле пыйень Сандрэ Антонова я Элизабет Шеллер.

Соагнэххьк

ваймлесь кūл оаннэй — активный носитель языка вуаннчмушш, вуэйймушш — возможность вэзхэллэм кūлл — символический язык эвтэс оххпмушш — продвинутый этап обучения кūл оххпэм оанѣхесь кэск — языковые курсы кūл пайнэмушш — ревитализация языка кūл вайймль — языковой активист оанѣхесь кырьй — резюме пыйнэ — предполагать, решать таррьмъя — современный тыввьвудт — интерес чуэррьв — чиновник, начальник, руководитель, вождь, председатель элл ялл сай — высокий статус эххтса яллмушш — общественная жизнь